

**EDDUWA
EZISOMWA MU SWALA Y'EKIRO
(OBA MU TARAWEH)**

أَذْكَارُ صَلَاةِ اللَّيْلِ (أَوَّلُ التَّرَاوِيحِ)

**KIWANDI KIDDWA:
SHK. NUUHU UTHMAN (ABU NAJIIBAH)
Tel. 0704-966357/0778-512841/0754559958**

**EBITABO BYE GYE BISANGIBWA:
AK ISLAMIC BOOK CENTER
Mukwano Arcade okumpi ne Centenary Bank**

بِسْمِ اللَّهِ الرَّحْمَنِ الرَّحِيمِ

ENNYANJULA

"إِنَّ الْحَمْدَ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ، وَنَعُوذُ بِاللَّهِ مِنْ شُرُورِ
أَنْفُسِنَا وَسَيِّئَاتِ أَعْمَالِنَا، مَنْ يَهْدِهِ اللَّهُ فَلَا مُضِلَّ لَهُ، وَمَنْ يَضِلَّ
فَلَا هَادِيَ لَهُ، وَأَشْهَدُ أَنْ لَا إِلَهَ إِلَّا اللَّهُ، وَحْدَهُ لَا شَرِيكَ لَهُ ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ".

“Ebitendo byonna ebirungi bya Allah, tumutendereza, ne tumusaba okutuyamba era tumusaba okutusonyiwa, era tumusaba atuwonye obubi bw’emyoyo gyaffe n’obubi bw’ebikolwa byaffe. Oyo yenna Allah gw’aba alungamizza teri asobola kumubuza, era gw’aba abuzizza teri asobola kumulungamy. Nkakasa (mu mutima gwange era ne njatuza n’olulimi lwange) nti (mu biriwo byonna) teri kisinziwa (mu butuufu) okujjako Allah yekka atalina kimugattibwako, era nkakasa (mu mutima gwange) nti Muhammad (yali) muddu we era Mubakawe”.

"يَا أَيُّهَا الَّذِينَ آمَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنتُمْ مُسْلِمُونَ (سورة آل عمران: آية ١٠٢).

“Abange mmwe Abakkiriza, mutye Allah mu butuufu bw’okumutya, era temutuukibwangako okufa okujjako nga muli Basiraamu”. (Suurat al-Im’raan: Aya 102).

"يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً وَاتَّقُوا اللَّهَ الَّذِي تَسَاءَلُونَ بِهِ وَالْأَرْحَامَ إِنَّ اللَّهَ كَانَ عَلَيْكُمْ رَقِيبًا". (سورة البقرة: آية ١).

“Abange mmwe abantu, mutye Omulabirizi (Allah) wammwe oyo eyabatonda ng’abajja mu mwoyo ogumu, era mwe yatonda mukyala waagwo, n’azaalukusa okuva mu gyo (gyombi) abasajja bangi n’abakyala. Mutye Allah oyo gwe musabiragana ku lulwe, Allah kuva dda nga mutunuulizi gye muli”. (Suurat al-Nisaa-i : Aya1).

"يَا أَيُّهَا الَّذِينَ آمَنُوا اتَّقُوا اللَّهَ وَقُولُوا قَوْلًا سَدِيدًا (٧١) يُصْلِحْ لَكُمْ أَعْمَالَكُمْ وَيَغْفِرْ لَكُمْ ذُنُوبَكُمْ وَمَنْ يُطِعِ اللَّهَ وَرَسُولَهُ فَقَدْ فَازَ فَوْزًا عَظِيمًا" (سورة الأحزاب ٧٢).

Okuvvuunula:

"Abange mmwe Abakkiriza, mutye Allah era mwogerenga bigambo bituufu, (Allah) abalongooseze emirimu gyammwe era abasonyiwe ebibi byammwe, oyo yenna agondera Allah n'Omubaka we, aba yeesiimye olw'esiima lunene". (**Surat al-Ah'zaab: 70-71**).

أَمَّا بَعْدُ :فَإِنَّ أَصْدَقَ الْحَدِيثِ كِتَابُ اللَّهِ، وَأَحْسَنَ الْهُدَى هُدَى مُحَمَّدٍ صَلَّى اللَّهُ عَلَيْهِ وَسَلَّمَ، وَشَرَّ الْأُمُورِ مُحَدَّثَاتُهَا، وَكُلَّ مُحَدَّثَةٍ بِدْعَةٌ، وَكُلَّ بِدْعَةٍ ضَلَالَةٌ، وَكُلَّ ضَلَالَةٍ فِي النَّارِ".

Oluvannyuma lw'ebyo:

"Ebigambo ebisinga okuba ebituufu kitabo kya Allah, obulungamu obusinga okuba obulungi bulungamu bwa Muhammad (swalla Llaahu alaihi wasallama). Ebintu ebisinga okuba ebibi by'ebizuule (mu ddiini),

buli kizuule kyonna kiba kigunje, ate buli kigunje kiba kya bubuze ate nga buli kya bubuze kya muliro”.

EKIMPANDIISIZZA EKITABO KINO

Esswala y’ekiro swala nkulu nnyo mu Busiraamu era mu bukulu yeddirira esswala ettaano endaalike nga Omubaka swalla Llaahu alaihi wasallama bwe yagamba mu Hadiith etuufu. Esswala eno nagiwandiikako ekitabo kye nnatuuma *‘Obulungi obuli mu kusaala esswala y’ekiro’* ne kifulumizibwa omugenzi, Sheikh Abbaasi Ayyuub Kirevu. Nkubiriza Abasiraamu okukisoma n’okussa mu nkola ebikirimu olw’obukulu bwaayo.

Esswala eno erina Edduwa ne Zikiri ez’enjawulo ezisomwa mu bifo eby’enjawulo okugeza mu bifo bino wammanga:

- ❖ Mu kuggulawo esswala (أدعية الإستفتاح)
- ❖ Mu kukutama (أذكار الركوع)

- ❖ Mu kukutaamulukuka (أذكار الرفع من الركوع)
- ❖ Mu kuvunnama (أذكار السجود)
- ❖ Wakati w'envunnama ebbiri (أذكار بين السجدين)
- ❖ Mu kitundu kya Tahiyyaatu ekisembayo (الدعاء قبل السلام)
- ❖ N'oluvannyuma lwa Salaamu. (أذكار بعد السلام)

Ewamu n'ekyo edduwa zino oba zikiri ezisomwa mu swala ey'ekiro, tekigaana kuzisoma mu sswala ettaano endaalike ez'emisana, era tekigaana kusoma zino ez'ekiro mu sswala z'emisana. Wabula ewamu n'okuba nga ekyo kituufu, naye ekisinga obulungi kusomanga dduwa oba zikiri mu sswala zaazo, era akola ekyo esswala ye eba ajja kuzitowa mu mpeera okusinga atakoze ekyo.

Kino kikulu okumanya

Edduwa zino zonna ze tugenda okulaga mu kitabo kino nga zikwata ku swala y'ekiro, era z'edduwa ze zimu ze tusoma ne mu swala ya Taraaweeh. Ekyo kiri bwe kityo kubanga, ekituufu kiri nti esswala y'ekiro mu biseera ebitali bya Ramadhan yeefuuka Taraaweeh mu biseera bya Ramadhan. Ekyo kiri bwe kityo lwa nsonga nti tewali bujulizi bwonna oli bw'alina nga bulaga nti Omubaka swalla Llaahu alaihi wasallama ennaku ze yasaalako Taraaweeh nti yasaalanga ne Swalaatu Layli. Era teriiyo bujulizi bwonna bulaga nti Baswahaba be nabo baakikolako.

Ekyo kiba kitegeeza nti bwe tuba tulaga mu kitabo kino edduwa oba zikiri Omubaka swalla Llaahu alaihi wasallama ze yasomanga mu swallatu Layli, kitwalenga nti era ze zimu zeyasomanga ne mu Swalaatu Taraaweeh. Era bw'osaalanga Taraaweeh n'ogimalayo, ekiro tosaalanga Swalaatu Layli. Bw'ozuukukanga waakiri saalangayo Raaka bbiri ezeekyetaago, eza Wuzu, eza Tauba

(okwenenya) oba oyinza n'okusaalayo Swalaatu Tasbiihi nga bwe nnaginnyonnola mu kitabo kyange *'Swalaatu Tasbiih N'obulungi Bwaayo'*.

Ekirala muganda wange Omusiraamu ky'olina okwewala, kwe kulekanga Imam abadde akusaaza Taraaweeh mu swala eyo nga tennaggwa nga okyalina obusobozi. Abasiraamu abamu bava ku Imam nga wasigaddeyo raaka za Witiri essatu, mbu nga baagala kuzisaala mu kimu ky'okusatu ky'ekiro ekisembayo. Kituufu ekyo kuiseera kya mukisa, naye omukisa gusinga kubeera mu Swala ya Jama gy'osadde ne Imaam wo.

Ekikakasa ekyo kwe kuba nga Nnabbi swalla Llaahu alaihi wasallama ennaku ze yasaalirako Taraaweeh mu muzikiti, ye kennyini talina Raaka ze yalekangayo nti azisaalire mu kiseera ekyo, yadde mu Baswahababe teri yakikolako. Kimanye nti obulungamu obusinga obulungi bulungamu

bwa Nnabbi Muhammad swalla Llaahhu alaihi wasallama, era kimanye nti Baswaha ba Nnabbi swalla Llaahu alaihi wasallama be bakwata ekifo eky'okubiri mu kutegeera Obusiraamu nga ojjeeko Nnabbi Muhammad swalla Llaahu alaihi wasallama.

EZIMU KU DDUWA EZIGGULAWO ESSWALA Y'EKIRO

Edduwa eziggulawo esswala, z'ezo ezisomwa oluvannyuma lw'okuleeta Takbiira eggulawo esswala emanyiddwa nga ey'emizizo.

ESOOKA:

"سُبْحَانَكَ اللَّهُمَّ وَبِحَمْدِكَ، وَتَبَارَكَ اسْمُكَ وَتَعَالَى جَدُّكَ وَلَا إِلَهَ غَيْرُكَ. لَا إِلَهَ إِلَّا اللَّهُ (ثَلَاثًا)، اللَّهُ أَكْبَرُ كَبِيرًا (ثَلَاثًا). (رَوَاهُ أَبُو دَاوُدَ).

Enjatuza yaayo

“SUB’HAANAKA LLAAHUMMA WA-BIHAM’DIKA, WA-TABAARAKA IS’MUKA WATA’AALAA JADDUKA, WA-LAA ILAAHA

GAY'RUKA. LAA-ILAAHA ILLALLAH (X 3), ALLAHU AKBAR KABIIRA (X3)". Soma ekitabo (Sunan Abu Dauda).

Amakulu gaayo

"Ayi Allah wayawukana ku bitonde byo era n'ebitendo byayawukana ku by'ebitonde. Era erinnyalyo lyayitirira okuba ery'omukisa era n'ekitiibwa kyo kyayitirira okuba ekya waggulu, era mu biriwo byonna teri kisinziibwa mu butuufu okujjako ggwe. Teri kisinziibwa mu butuufu okujjako Allah (x3), era Allah mu bunene y'asinga byonna".

EY'OKUBIRI:

"اللَّهُمَّ لَكَ الْحَمْدُ أَنْتَ نُورُ السَّمَاوَاتِ وَالْأَرْضِ وَمَنْ فِيهِنَّ، وَلَكَ
الْحَمْدُ أَنْتَ قِيَمُ السَّمَاوَاتِ وَالْأَرْضِ وَمَنْ فِيهِنَّ، وَلَكَ الْحَمْدُ أَنْتَ
مَلِكُ السَّمَاوَاتِ وَالْأَرْضِ وَمَنْ فِيهِنَّ، وَلَكَ الْحَمْدُ أَنْتَ الْحَقُّ،
وَوَعْدُكَ الْحَقُّ، وَقَوْلُكَ الْحَقُّ، وَلِقَاؤُكَ الْحَقُّ، وَالْجَنَّةُ الْحَقُّ، وَالنَّارُ الْحَقُّ،
وَالسَّاعَةُ الْحَقُّ، وَالنَّبِيُّونَ الْحَقُّ، وَمُحَمَّدٌ الْحَقُّ. اللَّهُمَّ لَكَ أَسَلَمْتُ،
وَعَلَيْكَ تَوَكَّلْتُ، وَبِكَ آمَنْتُ، وَإِلَيْكَ أُنَبْتُ، وَبِكَ خَاصَمْتُ،

وَإِلَيْكَ حَاكَمْتُ، أَنْتَ رَبُّنَا وَإِلَيْكَ الْمَصِيرُ، فَاعْفِرْ لِي مَا قَدَّمْتُ،
 وَمَا أَخَّرْتُ، وَمَا أَسْرَرْتُ، وَمَا أَعْلَنْتُ، وَمَا أَنْتَ أَعْلَمُ بِهِ مِنِّي،
 أَنْتَ الْمُقَدِّمُ وَأَنْتَ الْمُؤَخِّرُ، أَنْتَ إِلَهِي، لَا إِلَهَ إِلَّا أَنْتَ، وَلَا حَوْلَ
 وَلَا قُوَّةَ إِلَّا بِكَ". (رواه البخاري ومسلم).

Enjatuza yaayo

“ALLAAHUMMA LAKAL-HAMDU, ANTA
 NUURU-SAMAAWAATI WA-AR'DHWI WA-
 MAN FIIHINNA, WA-LAKAL-HAMDU ANTA
 QAYYIMU-SAMAAWAATI WAL-AR'DHWI
 WA-MAN FIIHINNA, WA-LAKAL HAMDU
 ANTA MALIKU-SAMAAWAAT WA-AR'DHI
 WA-MAN FIIHINNA, WA-LAKAL HAMDU
 ANTAL-HAQQU WA-WA'ADUKAL HAQQU,
 WA-QAULUKA HAQQU, WA-LIQAAUKA
 HAQQU, WAL-JANNATU HAQQU, WA-
 NNAARU HAQQU, WA-SSAA'ATU HAQQU,
 WA-NABIYYUUNA HAQQU, WA-
 MUHAMADUN HAQQU. ALLAAHHUMMA
 LAKA AS'LAM'TU, WA-ALAY'KA
 TAWAKKALTU, WA-BIKA AAMANTU, WA-
 ILAYKA ANAB'TU, WA-BIKA KHAASWAM'TU,

WA-ILAY'KA HAAKAM'TU, ANTA RABBUNAA
WA-ILAYKAL-MASWIIR. FAG'FIRLII MAA
QADDAM'TU, WA-MAA AKHAR'TU, WA-
MAA AS'RAR'TU, WA-MAA A'ALANTU, WA-
MAA ANTA A'ALAMU BIHI MINNII, ANTAL-
MUQADDIM WA-ANTAL-MU'AKHIR, ANTA
ILAAHII, LAA-ILAAHA ILLAA ANTA, WA-LAA
HAULA WA-LAA QUWWATA ILLAA BIKA".
Soma (Swahiih Bukhaar) ne (Swahiih
Muslim).

Amakulu gaayo

“Ayi Allah olina amatendo amalungi, Gwe
kitangaala ky'eggulu n'ensi na byonna
ebibirimu, era olina amatendo amalungi era
Gwe nyini ggulu n'ensi na byonna ebibirimu.
Era ggwe olina amatendo amalungi era Gwe
wa mazima, era endagaanoyo ya mazima,
era ebigambo byo bya mazima, era
n'okukusinkana kwa mazima, n'ejjana ya
mazima, n'omuliro gwa mazima, n'essaawa
ya mazima, ne Bannabbi (baali) ba mazima,
ne Muhammadi yali wa mazima. Ayi Allah

neewaayo ku lulwo, era ku ggwe kwe nneesigamira, era ggwe gwe nnakkiriza, era gy'oli gye nnadda, era ggwe gwe njuliza mu kukaayana, era gy'oli gye nnamuzisa. Gwe Katonda waffe era gy'oli yeeri obuddo, nsonyiwa bye nnasooka okukola ne bye nnasembyaayo, n'ebyo bye nnakola mu kyama n'ebyo bye nnakola mu lwatu era n'ebyo by'onsinga okumanya. Gwe oteeka abantu ku mwanjo era gwe obassa emabega, gwe Musinzibwa wange, teri kisinziwa mu butuufu okujjako gwe, era teri akyuusa mbeera mbi n'eba nnungi era teri awa maanyi kinafu okujjako Gwe ”.

EY'OKUSATU

"اللَّهُمَّ رَبَّ جِبْرَائِيلَ وَمِيكَائِيلَ وَإِسْرَافِيلَ، فَاطِرَ السَّمَاوَاتِ وَالْأَرْضِ، عَالِمَ الْغَيْبِ وَالشَّهَادَةِ، أَنْتَ تَحْكُمُ بَيْنَ عِبَادِكَ فِيمَا كَانُوا فِيهِ يَخْتَلِفُونَ، اهْدِنِي لِمَا اخْتَلَفَ فِيهِ مِنَ الْحَقِّ بِإِذْنِكَ، إِنَّكَ تَهْدِي مَنْ تَشَاءُ إِلَى صِرَاطٍ مُسْتَقِيمٍ". (رواه مسلم).

Enjatuza yaayo

“ALLAAHUMMA RABBA JIB’RAAIIIL WA-MIIKAAIIL WA-ISRAAFIIL, FAATWIRA-SAMAAWAATI WA-AR’DHI, AALIMAL-GAYBI WA-SHAHAADA, ANTA TAH’KUMU BAINA IBAADIKA FII-MAA KAANUU FIIHI YAKH’TALIFUUN. IH’DINII LI-MAAKH’TULIFA FIIHI MINAL-HAQQI BI-IDH’NIKA INNAKA TAH’DII MAN TASHAAU, ILAA SWAIRAATWI MUSTAQIIM”. Soma (Swaheeh Muslim).

Amakulu gaayo

“Ayi Allah Omulabirizi wa Jibriilu ne Miikaaeelu ne Israafeelu, eyatonda eggulu n’ensi, amanyi ebitalabika n’ebirabika, gwe oghenda okulamula wakati w’abaddubo mw’ebyo bye baba baayawukanamu, nungamya ku nsonga yonna eba eyawukaniddwaamu ondage amazima olw’obuyinza bwo, mazima gwe olungamya gw’oba oyagadde mu kkubo eggolokofu”.

EY'OKUNA

"كَانَ صَلَّى اللَّهُ عَلَيْهِ وَسَلَّمَ يُكَبِّرُ عَشْرًا - وَيُحَمِّدُ عَشْرًا - وَيُسَبِّحُ عَشْرًا - وَيُهَلِّلُ عَشْرًا - وَيَسْتَغْفِرُ عَشْرًا - وَيَقُولُ: اللَّهُمَّ اغْفِرْ لِي وَاهْدِنِي وَارْزُقْنِي وَعَافِنِي عَشْرًا - وَيَقُولُ: اللَّهُمَّ إِنِّي أَعُوذُ بِكَ مِنَ الضِّيقِ يَوْمَ الْحِسَابِ - عَشْرًا". (رواه أحمد وابن أبي شيبة).

Enjatuza yaayo

"ALLAAHU AKBAR (X10), ALHAMDU LI-LLAAHI (X10), SUBHAANALLAH (X 10), LAA-ILAAHA ILLALLAH (X10), AS'TAGFIRULLAH (X10). ALLAHUMMA IG'FIRLII, WAH'DINII, WAR'ZUQNII, WA-AAFINII (X10), ALLAAHUMMA INNII AUUDHU BIKA MINADHIIQ YAUMAL-HISAABI (X10)". Soma (Musnad Ahmad) ne (Muswannaf Abu Shaibah).

Amakulu gaayo

"Allah y'asinga obunene x10, Allah y'alina amatendo amalungi x10, Allah yayawukana ku bitonde x10, teri kisinzibwa mu butuufu okujjako Allah x10, era nsaba Allah

ansonyiwe x10. Ayi Allah nsonyiwa era onnungamye era ongabirire, ompe obulamu (mu mubiri gwange) x10, Ayi Allah nkusaba omponye obufunda bw'olunaku lw'okubalibwa x10.

Ey'okuna

"اللَّهُ أَكْبَرُ - ثَلَاثًا - ذُو الْمَلَكُوتِ وَالْجَبْرُوتِ وَالْكَبْرِيَاءِ وَالْعِظْمَةِ". (رواه أبو داود بسند صحيح).

Enjatuza yaayo

"ALLAHU AKBAR X3. DHUL-MALAKUUTI WAL-JABRUUTI WA-KIBRIYAAU WA-ADHWAMA". Soma (Sunan Abu Dauda).

ESSUULA EZISOMWA OLUVANNYUMA LWA AL-FAATIHA

عَنْ حُدَيْفَةَ رَضِيَ اللَّهُ عَنْهُ قَالَ: "صَلَّيْتُ مَعَ النَّبِيِّ صَلَّى اللَّهُ عَلَيْهِ وَسَلَّمَ ذَاتَ لَيْلَةٍ فَافْتَتَحَ الْبَقْرَةَ فَقُلْتُ يَرْكَعُ عِنْدَ الْمِائَةِ، ثُمَّ مَضَى فَقُلْتُ: يُصَلِّي بِهَا فِي رَكَعَتَيْنِ فَمَضَى فَقُلْتُ: يَرْكَعُ بِهَا ثُمَّ افْتَتَحَ

النِّسَاءَ فَقَرَأَهَا ثُمَّ افْتَتَحَ آلَ عِمْرَانَ فَقَرَأَهَا، يَقْرَأُ مُتْرَسِّلاً، إِذَا مَرَّ
بِآيَةٍ فِيهَا تَسْبِيحٌ سَبَّحَ وَإِذَا مَرَّ بِسُؤَالٍ سَأَلَ وَإِذَا مَرَّ بِتَعَوُّذٍ تَعَوَّذَ
ثُمَّ رَكَعَ". (رواه مسلم والنسائي).

Swahaba Hudhaifah Allah amusiime (Allah amusiime) yanyumya n'agamba nti: "Lumu ekiro nasaala ne Nnabbi swalla Llaahu alaihi wasallama n'atandikira ku Surat Al-Baqarah, muli ne ngamba nti anaakutamira ku Aya ey'ekikumi. Bwe yamala n'agenda mu maaso ne ngamba nti anaagisaazisa Raaka bbiri wabuala n'agenda bugenzi mu maaaso. Muli ne ngamba nti anaagikutamisa, oluvannyuma n'aggulawo okusoma Nisaa-i n'agisoma yonna. Bwe yagimala n'atandika Surat aalu Im'raan n'agisoma (yonna). Yalinga asoma mpolampola, era bwe yatuukanga ku Aya erimu okutendereza (Allah) ng'amutendereza, ate bwe yayitanga kw'eyo erimu okusaba ng'asaba, era bwe yayitanga kw'erimu okukingiriza nga asaba okukingirizibwa". Soma (Swahiih Muslim).

Kino kyetegereze

Eky'okuba nga Omubaka swalla Llaahu alaihi wasallama mu Swala eyo bwe yamala okusoma Suurat al-Baqara (ey'okubiri mu Qur'an) yabuuka Suurat Al-Im'raan (ey'okusatu) n'asoma Suurat An-Nisaa-i (ey'okuna), ate bwe yamala n'asembyaayo Suurat Al-Im'raan (ey'okusatu), awo Abayivu mu Busiraamu we bajja ekigamba nti okuliraanyisa essuula nga osaala ssi kya tteeka.

Ekirala nga nakyo kikuklu, kwe kumanya nti okusoma ekiwanvu bwe kityo, kyetaaga nga abantu boosaaza tebajja kukaluubirirwa, kubanga esswala eyo tukkirizibwa okugisaala mu Jama. Ewamu n'ekyo, tuyigamu ekigamba nti okusoma ekiwanvu mu Lay'li oba mu Taraaweeh yali nkola Yya Nnabbi swalla Llaahu alaihi wasallama.

Era yalinga agambanga nti:

وَكَانَ يَقُولُ: "مَنْ صَلَّى فِي لَيْلَةٍ بِمِائَتِي آيَةٍ فَإِنَّهُ يُكْتَبُ مِنَ الْقَانِتِينَ الْمُخْلِصِينَ". (الدارمي والحاكم وصححه).

“Yenna asaala mu kiro kimu Aya bibiri (200), omuntu oyo awandiikibwa mu (baddu ba Allah) abagonvu era abakola emirimu ku lwa Allah”. Soma (Musnad al-Daaramiyy).

Era yalinga agambanga nti:

وَكَانَ صَلَّى اللَّهُ عَلَيْهِ وَسَلَّمَ يَقُولُ: "مَنْ صَلَّى فِي لَيْلَةٍ بِمِائَةِ آيَةٍ لَمْ يُكْتَبْ مِنَ الْغَافِلِينَ". (رواه الدارمي والحاكم وصححه ووافقه الذهبي).

“Yenna asaala mu kiro Aya kikumi (100) tawandiikibwa mu bagayaavu”. Soma (Musnad al-Daaramiyy).

وَ"كَانَ صَلَّى اللَّهُ عَلَيْهِ وَسَلَّمَ - أَحْيَانًا - يَقْرَأُ فِي كُلِّ رَكْعَةٍ قَدْرَ خَمْسِينَ آيَةٍ أَوْ أَكْثَرَ". (رواه البخاري وأبو داود).

Ate olumu yalinga asoma mu buli Raaka ekigero ekyenkana Aya 50 oba okusingawo”.

Soma (Swahih Bukhaari).

وَتَارَةً "يَقْرَأُ قَدْرًا يَا أَيُّهَا الْمُزْمَلُ". (أحمد وأبو داود بسند

صحيح).

“Ate olulala yasomanga essuula eyenkana Surat Muzzammilu”. Soma (Musnad Ahmad).

و"قَامَ صَلَّى اللَّهُ عَلَيْهِ وَسَلَّمَ لَيْلَةً بَايَةً يُرَدِّدُهَا حَتَّى أَصْبَحَ وَهِيَ: إِنَّ تَعَذِّبَهُمْ فَإِنَّهُمْ عِبَادُكَ وَإِنْ تَغْفِرَ لَهُمْ فَإِنَّكَ أَنْتَ الْعَزِيزُ الْحَكِيمُ (سورة المائدة : آية ١٨٨) رَسُولَ اللَّهِ؟ مَا زِلْتَ تَقْرَأُ هَذِهِ الْآيَةَ حَتَّى أَصْبَحْتَ؟ تَرْكَعُ بِهَا وَتَسْجُدُ بِهَا وَتَدْعُو بِهَا وَقَدْ عَلَّمَكَ اللَّهُ الْقُرْآنَ كُلَّهُ، لَوْ فَعَلَ هَذَا بَعْضُنَا لَوَجَدْنَا عَلَيْهِ، قَالَ: إِنِّي سَأَلْتُ رَبِّي عَزَّ وَجَلَّ الشَّفَاعَةَ لِأُمَّتِي فَأَعْطَانِيهَا وَهِيَ نَائِلَةٌ إِنْ شَاءَ اللَّهُ لِمَنْ لَا يُشْرِكُ بِاللَّهِ شَيْئًا". (رواه النسائي وابن خزيمة وصححه الحاكم ووافقه الذهبي).

“Ate lumu yayimirira mu ،kiro (nga asaala) nga asoma addingana Aya emu okutuusa lwe yabukeesa: IN-TU’AZZIB’HUM FA-

INNAHUM IBAADUKA, WA-IN
TAS'TAG'FIR'LAHUM FA INNAKA ANTAL-
AZIIZUL-HAKIIM. Aya eyo gye yakutamisanga
era gye yavunnamizanga era gye
yasabisanga. Bwe bwakya ku makya
Swahaba Abu Dharri Allah amusiime
n'amubuuza nti: Owange Omubaka wa
Allah! Tewayimirizzaamu mu kusoma Aya
eno okutuusa nga obukeesezza: Gye
wakutamisizza, gye wavunnamisizza era gye
wasabisizza, so nga Allah yakuyigiriza Qur'an
yonna. Wabula singa omu mufte aba
akikoze, twalimunenyezza. N'amugamba nti:
Mazima nze nasabye Allah wange
ow'ekitiibwa okumpa olukusa okuwolelereza
abantu b'ekibiina kyange n'akumpa, era kwa
kufunirwa oyo yenna atagatta ku Allah kintu
kiralala kyonna". Soma (Sunan An Nasaa-i).

Kino kyetegereze

Okusenziira ku Hadiith eyo waggulu,
kitegeeza nti kikkirizibwa mu Swala ey'ekiro

okusoma Aya emu nga bw'ogiddingana okutuusa lw'okutama.

OKUSOMA 'QUL-HUWALLAAHU' KU BULI SUULA

وَقَالَ لَهُ رَجُلٌ : يَا رَسُولَ اللَّهِ إِنَّ لِي جَارًا يَقُومُ اللَّيْلَ وَلَا يَقْرَأُ إِلَّا قُلْ هُوَ اللَّهُ أَحَدٌ يُرَدِّدُهَا. لَا يَزِيدُ عَلَيْهَا كَأَنَّهُ يُقَلِّلُهَا - فَقَالَ النَّبِيُّ صَلَّى اللَّهُ عَلَيْهِ وَسَلَّمَ: وَالَّذِي نَفْسِي بِيَدِهِ إِنَّهَا لَتَعْدِلُ ثُلُثَ الْقُرْآنِ". (رواه أحمد والبخاري).

Waliwo omusajja eyagamba Nnabbi swalla Llaahu alaihi wasallama nti: *"Owange Omubaka wa Allah? Nina muliraanwa ayimuka ekiro (okusaala) naye asoma Qul-Huwa-Llaahu Ahadu (yokka), gy'addingana era kuyo talina ky'ayongerako. (Omusajja oyo) yalinga alaba nti oli ky'asoma kitono. Nabbi swalla Llaahu alaihi wasallama n'amugamba nti: Ndayira oyo awaniridde omwoyo gwange mu mukono gwe, mazima yyo yenkana kimu kya kusa kya Qur'an".* (Soma Swahiih Al-Bukhaar).

Essuula eyo okwenkana kimu kya kusatu kya Qur'an, kyali kitegeeza butegeeza nti yyo yonna yeemalira ku kwogera ku nsonga emu ku nsonga essatu Qur'an zeeyogerako, nga emu kuyo - era nga yeesinga obukulu - kwe kwawula Allah. Wabula kyali tekitegeeza nti agisomye aweebwa empeera eyenkana n'asomye ekimu ky'okusatu kya Qur'an - nga z'ejjuzu ekkumi. Ekyo kiri bwe kityo kubanga okusoma Qur'an mu mpeera osasulwa nnyukuta ku nnyukuta, ate nga buli nnyukuta osasulwa ebirungi kkumi. Ekyo kitegeeza nti toyinza kusoma Suula eyo ne wenkana asomye ejjuzu ekkumi!

Essuula ezisomwa mu Witiri

وَ(كَانَ صَلَّى اللَّهُ عَلَيْهِ وَسَلَّمَ يَقْرَأُ فِي الرَّكْعَةِ الْأُولَى، سَبَّحَ اسْمَ رَبِّكَ الْأَعْلَى، فِي الثَّانِيَةِ، قُلْ يَا أَيُّهَا الْكَافِرُونَ، وَفِي الثَّلَاثَةِ قُلْ هُوَ اللَّهُ أَحَدٌ". (رواه النسائي النسائي والحاكم وصححه).

Omubaka swalla Llaahu alaihi wasallama yalinga mu Raaka esooka ng'asomeramu

SABBIHISMAKA RABBIKAL-A'ALAA, ate mu y'okubiti n'asoma QUL-YAA AYYUHAL-KAAFIRUUNA, ate mu y'okusatu n'asoma Qul-Huwa Llaahu ahadu". Soma (Sunan An Nasaa-i).

Weegendereze kino

Witiri eyogerwako wano, ze Raaka essatu ezisembayo nga ogenda okumaliriza Swalaat Lay'li, era ezo essuula Omubaka swalla Llaahu alaihi wasallama ze yasomerangamu. Eytiddwa Raaka esooka ye Raaka esooka kw'ezo essatu eza Witiri.

"وَكَانَ صَلَّى اللَّهُ عَلَيْهِ وَسَلَّمَ يُضِيفُ إِلَيْهَا أَحْيَانًا: قُلْ أَعُوذُ بِرَبِّ
الْفَلَقِ، وَقُلْ أَعُوذُ بِرَبِّ النَّاسِ). (رواه الترمذي وصححه الحاكم
ووافقه الذهبي).

"Ate olumu ku Suula ezo yayongerangako, QUL AUUDHU BI-RABBIL FALAQI, ne QUL AUUDHU BI-RABBI NNAAS". Soma (Sunan Al-Tirmidhi).

وَمَا كَانَ صَلَّى اللَّهُ عَلَيْهِ وَسَلَّمَ يُصَلِّي اللَّيْلَ كُلَّهُ إِلَّا نَادِرًا" , (رَوَاهُ مُسْلِمٌ وَأَبُو دَاوُدَ).

“Wabula Omubaka wa Allah swalla Llaahu alaihi wasallama yalinga tasaala kiro kyonna okujjako obw’olumu”. Soma (Swahiih Muslim).

EDDUWA EZISOMWA MU KUKUTAMA

(سُبْحَانَ رَبِّيَ الْعَظِيمِ). (رَوَاهُ أَحْمَدُ وَأَبُو دَاوُدَ وَابْنُ مَاجَةَ وَالذَّارِقُطِيُّ).

"Sub'haana Rabbiyal-Adhwim Wa-Bihadihi". Soma (Sunan Abu Dauda).

Sheikh Muhammad Naaswir Ddiin Al-Albaani yagamba nti:

"وَكَانَ - أَحْيَانًا - يُكْرِرُهَا أَكْثَرَ مِنْ ذَلِكَ، وَبَالَغَ مَرَّةً فِي تِكْرَارِهَا فِي صَلَاةِ اللَّيْلِ حَتَّى كَانَ رُكُوعُهُ قَرِيبًا مِنْ قِيَامِهِ وَكَانَ يَقْرَأُ فِيهِ ثَلَاثَ سُورَةٍ مِنَ الطَّوَالِ: الْبَقْرَةَ وَالنِّسَاءَ وَآلَ عِمْرَانَ يَتَخَلَّلُهَا دُعَاءٌ وَاسْتِغْفَارٌ".

“Ate ebiseera ebimu (Omubaka wa Allah swalla Llaahu alaihi wasallama) yalinga

addingana Zikiri eyo emirundi egisinga kw'egyo, era lumu mu swala y'ekiro yagiddingana okutuusa okukutama kumpi lwe kwenkananga n'okuyimirira kwe so nga mu kuyimirira okwo yalinga asomeddemu essula empanvu: Nga ze Surat Al-Baqara, An Nisaa-i ne Aalu Im'raan, nga mwayingirangamu okusaba n'okwegayirira nga bwe twakirabye emabega”.

"سُبُّوحٌ قُدُّوسٌ رَبُّ الْمَلَائِكَةِ وَالرُّوحِ". (رواه مسلم وأبو عوانة).

“Subbuuhun Qudduusu Rabbul-Malaaikati Wa-Ruuhu”. Soma (Swahiih Muslim).

“Allah atenderezebwa era atukuzibwa, Katonda wa Malayika ne mwoyo mutukuvu”.

"سُبْحَانَ ذِي الْجَبْرُوتِ وَالْمَلَكُوتِ وَالْكِبْرِيَاءِ وَالْعَظَمَةِ". (رواه أبو

داود والنسائي بسند صحيح).

“Sub’haana Dhil-Jabaruuti, Wa-Malakuuti, Wal-Kib’riyaa-I Wal-Adhwama”. (Sunan Abu Dauda).

Amakulu gaayo

“Allah yayawukana ku bitonde, ye nnyini kitiibwa n’obufuzi, n’okwezza waggulu n’ekitiibwa ”.

EDDUWA EZISOMWA MU KUKUTAAMULUKUKA

"(لِرَبِّي الْحَمْدُ، لِرَبِّي الْحَمْدُ)، وَكَانَ صَلَّى اللَّهُ عَلَيْهِ وَسَلَّمَ يُكْرِرُ ذَلِكَ حَتَّى كَانَ قِيَامُهُ نَحْوًا مِنْ رُكُوعِهِ الَّذِي كَانَ قَرِيبًا مِنْ قِيَامِهِ الْأَوَّلِ، وَكَانَ قَرَأَ فِيهِ سُورَةَ الْبَقَرَةِ). (رواه أبو داود والنسائي بسند صحيح).

Enjatuza yaayo

“Li-Rabbil-Hamdu, Li-Rabbil-Hamdu”. Soma (Suna Abu Dauda).

Amakulu gaayo

“Allah wange y’alina amatendo amalungi, Allah wange y’alina amatendo amalungi”.

Omubaka swalla Llaahu alaihi wasallama yaddingananga ekigambo ekyo okutuusa

okuyimirakwe kumpi lwe kwenkana okukutama kwe, ate nga kumpi kwali kwenkana okuyimirakwe, ate nga okuyimirira okwo yalinga asomddemu Suurat Al-Baqara”.

EDDUWA EZISOMWA MU KUVUNNAMA

(سُبْحَانَ رَبِّيَ الْأَعْلَى). (رَوَاهُ أَحْمَدُ وَأَبُو دَاوُدَ وَابْنُ مَاجَةَ
وَالدَّارِقُطْنِيُّ).

Enjatuza yaayo

"Sub'haana Rabbiyal-Adhwim Wa-Bihadihi X3". Soma (Sunan Ibn Maajah).

Amakulu gaaayo

“Katonda wange asinga okuba owa waggulu yayawukana ku bitonde”.

Sheikh Muhammad Naaswiru Ddiin Al-Albaani yagamba ng'azimbira ku Hadiith entuufu:

"وَكَانَ - أَحْيَانًا - يُكْرِرُهَا أَكْثَرَ مِنْ ذَلِكَ وَبَالِغَ مَرَّةٍ فِي تِكْرَارِهَا
فِي صَلَاةِ اللَّيْلِ حَتَّى كَانَ رُكُوعُهُ قَرِيبًا مِنْ قِيَامِهِ، وَكَانَ يَقْرَأُ فِيهِ

ثَلَاثَ سُورَةٍ مِنَ الطَّوَالِ: الْبَقْرَةُ وَالنِّسَاءُ وَآلُ عِمْرَانَ يَتَخَلَّلُهَا
دُعَاءٌ وَاسْتِغْفَارٌ".

“Ate ebiseera ebimu (Omubaka swalla Llaahu alaihi wasallama) yalinga addingana Zikiri eyo emirundi egisinga kw’egyo, era lumu mu swala y’ekiro yakiddingana okutuusa okukutama kumpi lwekwenkananga n’okuyimirira kwe so nga mu kuyimirira okwo yalinga asomeddemu essula empanvu; nga ze: Suurat Al-Baqara, An Nisaa-i ne Aalu Im’raan, nga zaabangamu okusaba n’okwegayirira nga bwe twakirabye emabega”. Soma ekitabo kye (Swifatu Swalaat Nnabiyy swalla Llaahu alaihi wasallama).

"سُبُّوحٌ قُدُّوسٌ رَبُّ الْمَلَائِكَةِ وَالرُّوحِ", (رواه مسلم وأبو عوانة)

“Subbuuhun Qudduusu Rabbul-Malaaikati Wa-Ruuhu”. Soma (Swahiih Muslim).

"سُبْحَانَ ذِي الْجَبْرُوتِ وَالْمَلَائِكَةِ وَالْعِزَّةِ". (رواه أبو

داود والنسائي بسند صحيح).

Enjatuza yaayo

“Sub’haana Dhil-Jab’ruuti Wa-Mlaaikati Wal-Kib’riyaa-I Wal-Adhwama”.

EDDUWA ESOMWA MU KITUNDU EKISEMBAYO MU TAHIYYAATU NGA TONNATOOLA SALAAMU

"اللَّهُمَّ حَاسِبْنِي حِسَابًا يَسِيرًا". (رواه الإمام أحمد والحاكم
وصححه ووافقه الذهبي).

Enjatuza yaayo

1- “Allahuma Haasimnii Hisaabān Yasiiraa”.
Soma (Musnad Ahmad).

Amakulu gaayo

“Ayi Allah mbala olubala olwangu”.

قَالَ الشَّيْخُ مُحَمَّدُ نَاصِرُ الدِّينِ الأَلْبَانِي: وَمِنَ السُّنَّةِ أَنْ يَقُولَ فِي
آخِرِ وَتْرِهِ (قَبْلَ السَّلَامِ أَوْ بَعْدَهُ).

Sheikh Muhammad Naaswiru-Ddiin al-Albaani tagamba nti: “Nkola ya Nnaabi swalla Llaahu alaihi wasallama omusaaze okugambanga ng’amaliriza Witiri ye oba nga

tannatoola Salaamu oba ng'amaze
okugitoola nti”:

"اللَّهُمَّ إِنِّي أَعُوذُ بِرِضَاكَ مِنْ سَخَطِكَ. وَبِمُعَافَاتِكَ مِنْ عُقُوبَتِكَ.
وَأَعُوذُ بِكَ مِنْكَ. لَا أُحْصِي ثَنَاءً عَلَيْكَ. أَنْتَ كَمَا أَثْنَيْتَ عَلَيَّ
نَفْسِكَ". انظر (صحيح أبي داود).

Enjatuza yaayo

**Allaahumma Inni Auudhu Bi-Ridhwaaka
Min Sakhatwika, Wa-Bimu'aafaatika Min
Uquubatika, Wa-Auudhu Bika Minka, Laa-
Uh'swii Thanaa-An Alay'ka, Anta Kamaa
Ath'nayta Alaa Nafsika". Soma (Swahiih Abu
Dauda).**

EDDUWA EZISOMWA NGA OMAZE

OKUTOOLA SALAAMU

Omubaka swalla Llaahu alaihi wasallama
bwe yatoolanga salaamu ng'amaze witiri
yasomanga bw'ati:

"وَإِذَا سَلَّمَ صَلَّى اللَّهُ عَلَيْهِ وَسَلَّمَ مِنَ الْوَتْرِ قَالَ: سُبْحَانَ الْمَلِكِ
الْقُدُّوسِ، سُبْحَانَ الْمَلِكِ الْقُدُّوسِ، سُبْحَانَ الْمَلِكِ الْقُدُّوسِ
(ثَلَاثًا) وَيَمْدُدُّ بِهَا صَوْتَهُ وَيَرْفَعُ الثَّالِثَةَ". انظر (صحيح أبي داود).

“Sub’haanal-Malikel-Qudduus, Sub’haanal-Malikel-Qudduus, Sub’haanal-Malikel-Qudduus, Ng’asitula Ku Ddoboosi. Ku Mulundi Ogw’okusatu Ng’alisitulira Ddala”.

قَالَ الشَّيْخُ مُحَمَّدُ نَاصِرُ الدِّينِ الأَلْبَانِيُّ: وَمِنَ السُّنَّةِ أَنْ يَقُولَ فِي آخِرِ وَتْرِهِ (قَبْلَ السَّلَامِ أَوْ بَعْدَهُ).

Sheikh Muhammad Naaswiru-Ddiin al-Albaani tagamba nti: “Nkola ya Nnabi swalla Llaahu alaihi wasallama omusaaze okugambanga ng’amaliriza Witiri ye oba nga tannatoola Salaamu oba ng’amaze okugitoola nti”:

"اللَّهُمَّ إِنِّي أَعُوذُ بِرِضَاكَ مِنْ سَخَطِكَ، وَبِمُعَافَاتِكَ مِنْ عُقُوبَتِكَ، وَأَعُوذُ بِكَ مِنْكَ، لَا أُحْصِي ثَنَاءً عَلَيْكَ، أَنْتَ كَمَا أَثْنَيْتَ عَلَيَّ نَفْسِكَ". انظر (صحيح أبي داود).

Enjatuza yaayo

“Allaahumma Inni Auudhu Bi-Ridhwaaka Min-Sakhatwika, Wa-Bimu’aafaatika Min Uquubatika, Wa-Auudhu Bika Minka, Laa-Uh’swii Thanaa-An Alay’ka, Anta Kamaa

Ath'nyata Alaa Nafsika". Soma (Swahiih AAbu Dauda).

OKUWABULA

Baganda bange Abasiraamu, kikyamu edduwa zino ze ndaze nti zisomwa luvannyuma lwa Taraaweeh, kikyamu okuziyimba obuyimbi; tuteekeddwa kuzoogera bwogezi, kubanga okuyimba mu kusinza ssi nkola ya Busiraamu.

Ekirala ekiteekeddwa okuwabulwamu Abasiraamu, kwe kuba nti edduwa zino ne wankubadde tuzireeta mu lwatu, naye buli muntu azireeta ku lulwe; tewabaawo atukulembera muzo.

Ensonga endala nga nayo nkulu ddala, tewaliiwo bujulizi bulaga nti nga tumalirizza esswala ettaano eza buli lunaku, nti era tusoma edduwa zino ze tusoma oluvannyuma lw'esswala y'ekiro oba

Taaraaweeh; tulina kusomerawo Zikiri na Duwa eza bulijjo.

Ate ekigamba nti mu Swalaatu Taraaweah nga tuwummuddemu tusoma nti: ASH'HADU AN-LAA ILAAHA ILLALLAH AS'TAGFIRULLA, NAS'ALUKAL JANNATA WA-NAUUDHU BIKA MINA-NNAAR. ALLAAHUMMA INNAKA AFUWWUN TUHIBBUL AF'WA FA'AFU ANNAA.

Ebigambo ebyo tebiri mu Hadiith ntuufu kuva ku Mubaka swalla Llaahu alaihi wasallama. Soma ekitabo 'أخطاء شائعة.....' olup.218 ekya Shk. Ahmad bin Abdullah al-Salmiyy n'ekitab 'فتاوى اللجنة الدائمة' 1/84-86 ekifulumizibwa akakiiko akafulumya Fatuwa mu Saudia akakulibwa Mufti waayo.

Ate era mu bukyamu bwayo, era temwalimu bigambo ALLAAHUMMA INNAKA AFUWWUN TUHIBBUL AF'WA FA'AFU

ANNAA. Ebigambo ebyo Omubaka swalla Llaahu alaihi wasallama byo yabiyigiriza maama waffe Aisha (Allah amusiime) abyogerenga mu nnaku ekkumi ezisembayo mu Ramadhan omuli ekiro kya Laylatul-Qad'ri. Teyamukomekera biseera bya kubyogereramu mu nnaku ezo yadde ebifo, ekyo ne kiraga nti okubikomekera mu Taraaweeh mwokka mu ngeri y'olutentezi tekiba kituufu.

Mu ngeri yeemu okulowooza nti nga tusiibyeeke ennaku 15, mbu tutandika okusoma MUWADA (!), ekyo nakyo kigunje mu ddinni. Teriiyo Hadiith yadde etali ntuufu yakyogerako, wabula ebyo bigambo bya batontomi (Abasuufi). Kyeewuunyisa nti ekigambo ekyo mwe babbula erinnya Muwada lye baatuuma abantu! Ekigambo ekyo enjatula yaakyo entuufu kiri MUWADDAUN, nga kyeyambisibwa mu kusiibula muntu, era kitegeeza 'weeraba'!

Ekisembayo ku kuwabula baganda baffe Abasiraamu, mbeewaza okusomanga ebitabo omuli edduwa ezitaliiko bujulizi butuufu. Okugeza *Bar'zanji* ekimanyiddwa nga *Mauledi, Bur'dah, Al-Badiri, Jaushan, Wasiilatu Shaafii, Dalaailul-Khay'raat, Haashiyatul-Baajuuri*, n'akatabo omuli amannya ga Allah nga buli linnya lirina enkizo singa oba olisomye emirundi omuwandiisi (omusuufi) gye yalaga, n'ebirala. Tusaba Allah atusobozese okumaliriza ekitabo kyaffe mwe twalagira obukyamu bw'ebitabo ebyo.

QUNUUTU MU SWALA YA WITIRI

Omubaka swalla Llaahu alaihi wasallama yagamba muzzukulu we, Hassan bin Ali (Allah amusiime) nti bw'amalanga okusoma mu Witiri asomenga edduwa eno wammanga:

"وَعَلَّمَ صَلَّى اللَّهُ عَلَيْهِ وَسَلَّمَ الْحَسَنَ بْنَ عَلِيٍّ رَضِيَ اللَّهُ عَنْهُ أَنْ يَقُولَ إِذَا فَرَغَ مِنْ قِرَاءَتِهِ فِي الْوُتْرِ: اللَّهُمَّ اهْدِنِي فِيمَنْ هَدَيْتَ

وَعَافِنِي فِيمَنْ عَافَيْتَ وَتَوَلَّيْنِي فِيمَنْ تَوَلَّيْتَ وَبَارِكْ لِي فِيمَا أُعْطَيْتَ
 وَقِنِي شَرَّ مَا قَضَيْتَ فَإِنَّكَ تَقْضِي وَلَا يُقْضَى عَلَيْكَ وَإِنَّهُ لَا يَدُلُّ
 مَنْ وَالَيْتَ وَلَا يَعْرِضُ مَنْ عَادَيْتَ تَبَارَكْتَ رَبَّنَا وَتَعَالَيْتَ لَا مَنجَا
 مِنْكَ إِلَّا إِلَيْكَ". (رواه ابن خزيمة في صحيحه وابن أبي شيبة في
 مصنفه).

Enjatuza yaayo

“Allaahu Ih’dinii Fii-Man Hadayta, Wa-Aafinii Fii-Man Aafayta, Wa-Tawallanii Fii-Man Tawallayta, Wa-Baarik’lii Fii-Maa A’atway’ta, Wa-Qinii Sharra Maa-Qadhay’ta, Fa-Innaka Taq’dhii Wa-Laa Yuq’dhaa Alayka, Wa-Innahu Laa-Yadhillu Man-Waalay’ta, Wa-Laa Ya-Izzu Man Aaday’ta, Tabaarak’ta Rabbanaa Wata-Aalayta, Laa-Manjaa Minka Illa Ilay’ka”. Soma (Swahiih Ibn Khuzaimah ne Muswannaf Ibn Abu Shaibah).

Amakulu gaayo

“Ayi Allah nungamiza mw’abo bewalungamy, era omponyeze mw’abo be wawonya, era ompeere obulamu mw’abo be

wabuwawa, era onkuumire mw'abo be wakuuma, era onteere omukisa mw'ebyo bye wagaba, era omponye akabi k'ebyo bye walamula (edda), mazima ggwe olamula era tewali akulamula. Era tewali anyoomooka nga wamufuula mukwanogwo, era tewali ayinza kufuna kitiibwa oyo gw'oba ofudde omulabewo, wayitirira okuba ow'omukisa era wayitirira okuba owa waggulu, teri buwonerero eri Allah okujjako nga oli azze gy'oli".

Bino bikulu

Qunuutu okkirizibwa okugisoma nga tonnakutama oba nga omaze okukutama. Ositula emikono nga ogisoma era bw'obeera mugoberezi **omiinisa** okujjako ku bigambo muyo nga bya kutendereza butendereza. Bw'ogimala toyisa ngalo mu maaso nga Abasiraamu abamu bwe batera okukikola, kubanga ne ku dduwa endala tekiriiko bujulizi. Si kirungi kugiwanyvuya ekiyitiridde kubanga kikaluubiriza abantu, era

n'okugikaabiramu mu mbeera ey'olutentezi nakyo kikyamu.

Bw'omala okusoma Qunuutu nga owunzika, osaalira Nnabbi swalla Llaahu alaihi wasallama, kubanga Swahaba, Ubayyu bin Ka'abi (Allah amusiime) yasaaliranga Nnabbi swalla Llaahu alaihi wasallama nga amaliriza Qunuutu. Ekyo yakikola ku mulembe gwa Umar (Allah amusiime) (Umaru) bwe yamulonda okusaaza Taraaweeh. Soma (Swahiih Ibn Khuzaimah. No 1097). Kino nno kiba kimenyawo Imam Suyuutwi 911 HJ kye yali yagamba nti mu Qunuutu temuba kusaalira Nnabbi swalla Llaahu alaihi wasallama. Soma ekitabo kye *'Al-Fataawa 1/66'*

OKUMALIRIZA

Nga mmaliriza ekitabo kino, nsaba Allah nyini nnamulondo ennene akifuulire kye mpandiise ku lulwe, era akifuulire *Ilimu* eringasa oluvannyuma lw'okufa. Allaahumma Ameen.

NUUHU UTHMAN (ABU-NAJIIBAH)

'KIBUUKA'

TEL NO. 0704-966357/0778-512841

25/2/2021